

DEPARTEMENT VAN OMGEWINGSAKE EN ONTWIKKELINGSBEPLANNING
NATIONAL ENVIRONMENTAL MANAGEMENT: PROTECTED AREAS ACT, 2003
(WET 57 VAN 2003)

KENNISGEWING VAN VOORNEME OM ZEBRASKOP NATUURRESERVAAT TE
VERKLAAR

Die Provinsiale Minister van Plaaslike Regering, Omgewingsake en Ontwikkelingsbeplanning in die Wes-Kaap (die Provinsiale Minister)—

- (a) gee ingevolge artikel 33(1)(a) van die *National Environmental Management: Protected Areas Act, 2003* (Wet 57 van 2003) (die Wet), kennis van sy voorneme om—
- (i) kragtens artikel 23(1)(a)(i) van die Wet, die volgende gebiede as ’n natuurreserveaat (die beoogde natuurreserveaat) te verklaar:
- (aa) Die Plaas Saffraanrivier Nr. 255, geleë in die Oudtshoorn-munisipaliteit, Afdeling Oudtshoorn, Wes-Kaap Provinsie; groot: 1078, 0562 (Eenduisend Agt-en-Sewentig komma Nul Vyf Ses Twee) hektaar; gehou kragtens Transportakte Nr. T29673/2020;
- (bb) Gedeelte 5 van die Plaas Zeebras Kop Nr. 190, geleë in die Oudtshoorn-munisipaliteit, Afdeling Oudtshoorn, Wes-Kaap Provinsie; groot: 894, 1553 (Agthonderd Vier-en-Negentig komma Een Vyf Vyf Drie) hektaar; gehou kragtens Transportakte Nr. T29673/2020; en
- (cc) Restant van die Plaas Zeebras Kop Nr. 190, geleë in die Oudtshoorn-munisipaliteit, Afdeling Oudtshoorn, Wes-Kaap Provinsie; groot: 1889, 9921 (Eenduisend Agthonderd Nege-en-Tagtig komma Nege Nege Twee Een) hektaar; gehou kragtens Transportakte Nr. T29673/2020, waarvan die grense weergegee word op die kaart in die Bylae; en
- (ii) kragtens artikel 23(1)(b) van die Wet, die naam “Zebraskop Natuurreserveaat” aan die beoogde natuurreserveaat toe te ken;
- (b) gee kennis dat die beoogde natuurreserveaat wes van die R328 langs die noordelike grens van die bestaande Ruitersbos Natuurreserveaat geleë is, ongeveer 35 km suidwes van Oudtshoorn, die naaste dorp, soos aangedui op die kaart in die Bylae;
- (c) gee kennis dat CapeNature die beoogde natuurreserveaat geëvalueer het, en dit blyk uit hierdie evaluering dat die beoogde natuurreserveaat oor verskeie eienskappe beskik wat dit geskik maak vir verklaring as ’n natuurreserveaat;

- (d) gee kennis dat die beoogde optrede bedoel in paragraaf (a)(i) die vereistes van artikel 23(2)(b)(i) en (iii) van die Wet nakom, aangesien dit daarop gemik is om die beoogde natuurreservaat te beskerm, wat kenmerkende natuurlike eienskappe of biodiversiteit bevat en langtermyn beskerming benodig vir die instandhouding van sy biodiversiteit of vir die voorsiening van omgewingsgoedere en -dienste;
- (e) gee kennis dat die inhoud van die Bylae en besonderhede van die evaluering bedoel in paragraaf (c) by <https://www.capenature.co.za/protected-areas-and-stewardship> gevind kan word;
- (f) gee kennis dat die Provinsiale Minister nie, op hierdie stadium, bewus is van enige potensiële regte of belange van die plaaslike gemeenskap, of belanghebbendes uitgesonderd die eienaar van die beoogde natuurreservaat, wat deur die beoogde optrede bedoel in paragraaf (a) geraak kan word nie;
- (g) nooi lede van die publiek uit om, binne 60 dae vanaf die datum van publikasie van hierdie kennisgewing in die *Provinsiale Koerant*, skriftelike verstoë oor of besware teente die beoogde optrede bedoel in paragraaf (a) by die Provinsiale Minister in te dien, deur—
- (i) die verstoë of besware te pos aan:
Dr Ashley Naidoo
Die Hoof- Uitvoerende Beampte
Aandag: Me Kaylin Reid
CapeNature
Privaat Sak X29
Gatesville 7766;
 - (ii) die verstoë of besware af te lewer by:
Me Kaylin Reid
Regsadviseur
CapeNature
Hv Bosduif- en Volstruisstraat
Bridgetown
Athlone; of
 - (iii) die verstoë of besware per e-pos te stuur na:
kreid@capenature.co.za;

(h) nooi belanghebbende of geaffekteerde persone om, in toepaslike omstandighede, binne die tydperk beoog in paragraaf (g), mondelinge verhoë of besware voor te lê aan die Provinsiale Minister of 'n persoon deur die Provinsiale Minister aangewys.

Skriftelike verhoë of besware wat ontvang is, of mondelinge verhoë of besware wat voorgelê word, ná die sluitingsdatum kan buite rekening gelaat word.

Navrae kan gerig word aan me Kaylin Reid by 087 087 4102.

BYLAE KAART

